

1909

年

第

卷

2179

第

2190

期

# 壯洋官報

目錄

宮門抄  
上諭

交旨  
 奏議○籌辦海軍處奏留英海軍學生畢業請獎摺△法  
 部奏科布多命盜案件△熱河都統廷奏赤峯州試  
 署期滿請賞授摺  
 特別要件○督憲演說二件  
 公牘○藩司移一件△四川華陽縣稟一件  
 文告四則△電報六則△新聞十二則  
 彙編○資政院改訂暨續訂院章△順天中學堂章程

本局第一百九期法政學報現已出版

## 宮門抄

七月十六日 民政部 都察院 正黃旗值日 王墀前往  
 西陵請 恩 那晉充貴胄學堂總辦謝 醇賢親  
 王園寢回京請 安 銘安因子那晉充貴胄學堂總辦專摺謝 恩  
 恩 延鴻謝 賞賡生 恩 榮公假滿請 安 王英楷續假二十日 召見軍機 法部都察  
 院憲政編查館各遞封奏一件 外務部代遞考察憲政大臣于式枚奏摺一封

## 上諭

七月十六日內閣奉  
 上諭錫良程德全奏特參貪劣不職各員請旨懲處一摺奉天興鳳道沈承伊才具平庸辦事竭蹶前辦銀元局弊營私贓款疊疊候補道徐鏡第習染過深利心太重辦理清丈徇庇私親東平縣知縣張兆駿貪婪猥瑣任性妄為前在任內贖買官荒壟斷漁利彰武縣知縣唐宗源輕浮文鄙劣聲素著前署懷德縣事候補知縣沈學昌才庸毫無振作於作偽禁種鴉粟既認眞辦理計復致欺飾均著即行革職又片奏奉天勸業道黃開文識闇事黑龍江民政使倪嗣冲承辦屯墾竟敢營私舞弊捏報浮支實屬辜恩溺職著即行革職勒追贓款以肅官方該部知道欽此

上諭錫良片奏監司大員性情夸詐遇事欺朦請旨懲處等語江省財力艱窘身為大員應如何激發天良實心任事黑龍江民政使倪嗣冲承辦屯墾竟敢營私舞弊捏報浮支實屬辜恩溺職著即行革職勒追贓款以肅官方該部知道欽此

上諭貴州巡警道員缺著賀國昌補授欽此

交旨

七月十六日 軍機大臣欽奉

諭旨憲政編查館奏議覆考察憲政大臣于式枚奏陳諮議局章程權限一摺又片奏奏定章程有疑義者應以官定解釋之說爲據坊間私刻不得援以爲據等語著依議欽此

奏議錄要

籌辦海軍處奏留學英國海軍畢業生請獎摺

奏爲留學英國海軍畢業學生考試成績比照成案量予獎勵恭摺仰祈 聖鑒事竊查陸軍部移交管卷內

准前南洋大臣兩江總督端方咨送留英海軍駕駛畢業學生吳振南等四名前經電商陸軍部准來京聽候部考等因奴才等遵 旨設立籌辦海軍事務處開辦伊始諸事待理惟因該生等旅居在京聽候太久似非體恤之

道不得不於事務煩迫之時提前考試當即督飭本處人員分科考校核定分數區別等第計平均分數在八成以上者吳振南朱天森等二名應作爲優等六成五以上者許建廷林國慶等二名應作爲上等均屬及格查從前江

南水師學生沈樑等五名派赴英艦見習期滿回國光緒三十三年由該省援照前奏咨練兵處成案送請考試經陸軍部考驗奏請獎勵因海軍官制未定暫行給予舊日武職官階獎給千總奉 旨允准在案此次考試留

學英國海軍駕駛畢業生吳振南等四名係由中國水師學堂畢業登艦見習期滿復派往英國格林里次及鮑特司密夫等學堂學習駕駛天文戰術水雷魚雷等藝考驗合格領有文憑執證回國似宜從優獎勵以示區別奴才

等公同商酌比照沈樑等成案擬懇 天恩俯准將取列優等之吳振南朱天森二名獎以守備儘先補用取列上等之許建廷林國慶等二名以守備補用以示鼓勵所有留學英國海軍駕駛畢業學生考試成績比照成案請

獎緣由謹繕具名單恭摺具陳伏乞 皇上聖鑒訓示謹 奏宣統元年六月二十二日奉 硃批依議欽此

謹將留學英國海軍駕駛畢業生繕具名單恭呈 御覽 計開 吳振南年二十七歲江蘇揚州府揚子縣人 朱天森年二十八歲江蘇揚州府甘泉縣人 以上二名取列優等擬請 旨以守備儘先補用 許建廷年

二十三歲福州駐防廂白旗漢軍安鼎佐領下人 林國慶年二十六歲福建福州府侯官縣人 以上二名取列

上等擬請 旨以守備補用

法部奏遵議科布多辦理命盜案件酌擬章程片

再據科布多辦事大臣錫恆奏稱軍營向未辦過秋審即如岳涼武一案係一工一商未便繩以軍法嗣後商民日增刑名日繁未設地方官以前遇有命盜案件應入秋審情實及緩決可矜人犯應如何辦理其減等及流徒各犯應如何定地解配抑照新章酌改習藝所工作事關庶獄應由部定章遵行或准咨取新疆開設行省時及現行變通刑案各章程酌量地方情形分別妥議簡章辦理等因奏奉 諭旨交臣部議奏臣等竊查科布多地方界在阿爾泰山控馭蒙旗幅員寥闊該辦事大臣以防戍而兼地方之責遇有命盜各案向歸審理近年中外交通商民嚮集案件增多勢所不免既未便繩以軍法則舉辦秋審及設立習藝所諸事均應次第仿行該大臣所奏係爲慎重庶獄起見惟查臣部秋審舊事凡科布多監候人犯無論情實緩決向俱歸入新疆省秋審招冊歷經遵辦在案至新疆開設行省時變通章程係光緒十二年由前撫臣劉錦棠一再奏請經臣部酌核初則議令舉辦秋審繼則議令除強盜劫盜犯暫准就地正法其命案罪應凌遲斬絞立決監候人犯俱專摺奏明請 旨俟奉部覆後將凌遲立決及入實入勾人犯再行處決其緩決人犯酌量減爲軍流分撥南北兩路種地安插最後始議令該省除情罪重大例應恭請 王命及實係決不待時人犯暫准就地正法外其服制凌遲斬絞立決至尋常命案問擬斬絞監候各犯仍由該撫等詳叙供勘專摺奏明請 旨俟奉部覆後仍照臣部前定章程辦理先後奏准遵行在案邇來新疆建立行省垂三十年於秋審一事迄未認真舉辦且於應行具奏請 旨之件亦率予就地正法殊不足以慎刑章而重人命臣等業於另摺奏陳辦法請 旨遵行科布多事同一律且向既舉辦秋審自未便援照新疆章程致滋流弊臣等公同商酌嗣後科布多辦理強盜案件應照本年四月政務處議准解勘新章除實係土匪馬賊會匪游勇嘯聚藪澤抗拒官兵形同叛逆者暫准就地正法外其餘尋常盜案應一律照章解勘與人命案內間擬凌遲改斬及斬絞立決監候各犯均命該大臣取具詳細供招按律定擬專摺具奏請 旨俟奉准部覆立決者再行處決監候者無論情實緩決統歸入秋審核辦仍俟每年欽奉 勾到將入實予勾者即行處決如逢 恩停勾或聲叙免 勾之犯仍行牢固監禁其緩決人犯應俟一次後核其情節分別減爲軍流與

戲誤擅殺及可矜減等人犯並尋常遣軍流徒各犯一體辦理若有案關營務應以軍法從事者仍准按照軍律不在解勘之限至收所習藝章程既足懲戒罪因兼可擴充工藝接之邊地尤爲適宜科布多如已設立則凡有軍流徒等犯自應遵照奏定年限一律仿行如尙未完備擬暫仿新疆辦法各路互相調發分撥種地以助屯政似此明定章程於矜恤罪犯之中仍不失變通宜民之意且與慎重民命整頓刑章均有實在裨益如蒙 俞允卽由臣部行文該辦事大臣遵照辦理此外如有未盡事宜或於地方情形尙有窒礙之處仍令該大臣隨時陳奏並咨行臣部詳細商榷以利推行而昭畫一所有臣等酌擬科布多辦理命盜案章程緣由謹附片具 奏宣統元年七月初六日奉 旨依議欽此

熱河都統廷杰奏赤峰直牧朱楸春試署期滿請實授摺

奏爲赤峰直隸州知州試署一年期滿照章請 旨俯准實授以專責成而資治理恭摺具陳仰祈 聖鑒事

竊奴才前經具奏熱河赤峰縣改升赤峰直隸州知州與新設之開魯林西綏東三縣均係沿邊要地漢蒙錯處政務殷繁非得通曉政體能耐勤勞之員不克勝任隨查有熱河候補直隸州知州朱楸春堪以試署赤峰直隸州知州等因於光緒三十四年四月二十五日奉 硃批該部知道欽此欽遵旋准吏部以該牧朱楸春試署赤峰

直隸州知州核與定章相符既經欽奉 諭旨允准自應欽遵辦理俟試署一年期滿如果稱職另請實授等

因咨覆知照在案茲查該員朱楸春現年四十三歲係湖北武昌府武昌縣人由廩生擬取光緒二十三年丁酉科優貢本科鄉試中式第八名舉人二十九年補行辛丑壬寅 恩正併科會試中式第一百八十四名貢士覆

試一等 殿試三甲 朝考二等閏五月初八日由翰林院帶領引 見奉 旨以知縣卽用欽此簽分直隸六月初六日由鴻臚寺帶領謝 恩領照到省經升任都統松壽奏調熱河差遣委用七月到熱委充求

治局差三十年十一月因籌款出力奏保免補本班直隸州知州仍留原省補用奉 硃批著照所請吏部知

道欽此是月委署圍場廳事十二月到任三十一年十月交卸復委充求治局差三十四年四月奏派試署赤峰直隸州知州奉 硃批該部知道欽此六月到任七月二十三日奉文試署查該員歷委差缺諳練老成以之請

補赤峰直隸州知州員缺實堪勝任與例亦屬相符據護理熱河道管廷獻具詳請奏前來合無仰懇 天恩俯

念邊缺緊要人地相宜准以試署赤峰直隸州知州朱楹春補授該州員缺實於地方有裨除將該員履歷咨部查照外理合會同署直隸督臣那桐合詞恭摺具 奏伏乞 皇上聖鑒敕部議覆施行謹 奏宣統元年七月初十日奉 硃批吏部議奏欽此

## 特別要件

督憲端蒞北洋出品協贊會演說七月十六日

南洋勸業會爲本部堂所發起頃奉 明詔派南洋大臣爲正會長所有賽品准其分別豁免稅釐並著各督撫籌辦協會出品各事是 朝廷勸勵農工推廣商業固已無微不至今者天津協贊會遵 旨成立在會諸君須知此會性質對南洋言則爲協贊對本省言則爲自發達其出品凡一地方未有土物暢出而人民不富庶者亦未有土物銷滅而地方不困窮者故此會爲南洋勸業會補助機關尤爲地方出品協會之總機關本部堂以發起之人膺督率協贊會進行之責任竊願諸君極力協助無分畛域但使勸業會早日成立即吾國工商早日發達亦即人民生計早日發舒蓋今日世界一切猛烈之戰爭要無非工商戰爭之後盾諸君須共懷此義以實盡協贊責任本部堂有厚望焉

督憲端蒞天津女子公學舉行畢業式演說同日

今日女子公學師範科學生畢業本部堂來此觀禮親見成績優美甚爲嘉慰嘗念國者家之積有良家庭斯有良社會有良社會斯有良國家女學爲家庭教育之本師範又爲本中之本語云孟方水方孟圓水圓又云師道立則善人多諸生此後責任蓋不可謂不重矣今日世界女學有兩大主義一爲提倡獨立自活主義一爲養成賢母良妻主義吾國女子半屬廢物例不事事人民生事較東西各國爲簡職業不繁游閒之民尚居多數女子從事男子職業者寡自非提倡自活之風不足以促生計之進步起人民之勤勉惟數千年來家政組織異於歐美一切習慣又非所宜故實行此義尚須待諸程度大進以後惟養成賢母良妻主義於此時最合古世女學貴族有公宮之教平民有女師之教史傳所載忠臣義士無不秉承家教春秋時代人民愛國最摯挈餅之知亦能守器夷考其時宗周之盛能知憂國漆室之女亦解感時蓋欲發達人民愛國心非注重女學不可本部堂前在南洋推廣女學不遺餘力此次北來亦極願推廣培植以昌女教惟願諸生尊禮教蓄道德研究女箴女訓本身作則此教育前途之幸亦家國之幸也至於崇尚奢靡昌言自由踰閑蕩檢足爲女學阻者均願諸生力戒吾國禮教以廣義言爲一國之

公牘錄要

藩司移覆學司會核懷來縣學租一案文

爲移回事准貴司移開案准貴司移開爲移覆事准貴司函開案查懷來縣詳准儒學牒稱徵收請廣學田不敷撥用可否撥歸學堂儘徵解請查核示遵奉 督憲批飭藩學兩司核飭遵照具覆等因現准尊處主稿詳覆移會書行用印查閱會詳文稿內開覆核各屬學田地畝應徵租銀係屬賑給廩生貧士之款按年均有奏銷今該縣一處地租獨擬撥歸學堂於通省奏案不免參差碍難照辦應仍飭縣由學經理以符定章等語竊維放租田畝全恃有人經理現在教官困苦日甚既難責以督飭經理使該地種植蕃茂租價增多即使責令賠解亦斷難遵章照辦徒致棄有用之地利增教官之苦累而仍不得照解租銀之實益且賑給貧生之款查明留辦本省師範及高等小學之用曾經明奉 部章由貴署詳定照辦在案似此案不必悉以舊例相繩用敢奉函商榷應如何妥爲裁核另擬詳覆之處統乞台端察酌施行會稿各件均仍函送以便酌改等因准此除函覆並將遞回會稿等件分別查收註銷外擬合移覆煩即查照此次覆函主政核辦會同本司詳覆飭遵望速施行等因准此除由本司辦就會稿等件書行蓋印擬合移送爲此合移請煩查核於書行會印後將詳冊文件封呈 督憲查核札文封發該縣遵辦會稿分別留存移回備案施行計移送會稿二分會詳一套二件札文一件封筒二個等因准此除分別書行會印封發並存留會稿一分備案外所有會稿一件擬合移回爲此合移貴司煩爲查收備案施行須至移者

四川華陽縣稟設立辦事處擬定章程請示文並批

敬稟者竊以行政之道既貴因時措施之方先宜預備邇來新政繁興無不責成州縣百端交萃日不暇給既虞事端之叢腫更恐思慮之難周雖延訪通人聘襄幕府但既未明定責成仍復難期畫一知縣待罪首邑每接各屬同寅來函莫不欲思變通之善法再四思維謹就一得之愚爲我憲台縷晰陳之伏讀往年奉到 奏頒直省官制通則原奏內開奉 上諭各直省官制著即接續編定州縣各官關係尤要現在地方自治一時難以遽行應如何酌核辦理先爲預備或增改佐治員缺並審定辦事權限著會商各省督撫一併妥爲籌議等因欽此又原奏內

開現在國民程度未及故不得不次第措施但由未及以幾於及全視官長爲之轉移若以時期尙緩仍復因循又安有程度之可望等因夫以現在情形而論若遂概行變更既有不便若不設法預備則措注無憑知縣現擬變通之辦法作預備之基礎一則除舊日之積習一則立佐治之先聲其除舊日之積習者何也先就縣署設一辦事處按照辦理事件分爲數股每股延聘助理一員其不定名佐治者所以別於將來之佐治員也助理之員無論官幕但求於新政舊章能有心得者卽爲合格每股選派寫生二人或三人視事之繁簡爲定限定辦事時間由知縣會集各員及寫生同集辦事處分股辦理起草判行發繕以省籤送之煩其與往日幕友不同者辦事有定時不能任意先後稿內必署諸庶使權限分明現在新設各衙門分科辦事使往日積習爲之變更正由於此其立佐治之先聲者何也現已設立者雖有視學員但署中學務文牘不能邀其入署主稿經徵雖有專局而縣署財政仍有多端將來佐治遍設自必集佐治之員萃辦事之處今尙非其時自不得不先就署中分股擬卽分爲法股專辦刑名事宜縣署吏科兵科本無多事卽附入辦理外交事件亦附此股會計股專管錢糧及一切財政事宜學務股專管教育事宜禮科之事附焉勸業股專管農工商務及交通事宜工科之事併入辦理警務股專辦警察事宜承啓股專司收發繕校文牘凡縣署應辦事件均劃分權限各專責成惟將來佐治之員兼有執行之任現在助理之員只能撰擬文牘不能干預執行而司法尙未獨立法股亦不能不設名稱雖有變更權責實已劃定迨至佐治全設各股自歸裁撤以此預備當亦籌辦必經之階級也其各項薪水經費卽於知縣公費中籌備各股雖分負責任知縣仍負完全責任均於章程中規定明確決不敢稍存推諉蓋必如此明定權限別立規模庶幾衆擎易舉除稽延往復之煩詢謀僉同收庶事折衷之益新舊之際默爲轉移謹將辦事處章程繕呈鈞鑒如蒙允許卽由知縣擬定開辦日期切實舉行並將選聘助理員銜名申報查考其餘書吏差役同應變更容卽廣續擬定章程次第辦理另稟詳呈所有擬設辦事處緣由是否有當理合稟請憲台俯賜察核批示飭遵除分稟各司道府外爲此具稟須至稟者川督趙 批牧令一身百端蠟集重以新政繁興因應益有所難周此改定官制通則所以有添設佐治官之議也據稟擬援照新章就縣署設立辦事處分股治事集思廣益由該縣綜理其成藉以除幕賓之積習立佐治之先聲具見洞悉治源深明體要其規畫實非庸吏所及所擬簡章權責分明綱目畢舉亦能得其要領惟佐治之員



務宜慎選旁求必所舉皆賢然後有得人而理之效至該處經費自願就應領公費內酌量撥用不另請款應暫如擬辦理俟該縣度支稍裕仍應特立專款作正開支以期可久仰藩司轉飭遵照并將原稟章程登報用彰其美其各屬地大政繁者可參考情形照此斟酌辦理此繳章程存

### 文告錄要

藩台批示○正任青縣知縣高紹陳飭回本任

藩台批示○雄縣警董趙一清等稟教民鄧萬倉等不交警費情形 批此案前據該縣擬定和平辦法稟覆已札

清苑縣安與教士商辦尚未據覆候再飭府並分行各該縣速爲理結具報仍候 督憲批示該紳等即回籍靜候可也此批

天津巡警督辦傳單○爲通傳飭遵事照得本督辦近查各局區隊巡警時有率請長假而別圖生業推原其故無非見異思遷徒存奢望迨有志未遂或仍歸舊業或終賦閒居此種惡習不第於若輩毫無裨益且於警政前途大有妨碍合亟傳飭爲此傳仰各該局區隊一體遵照嗣後巡警不得托故率請長假凡已經開除之巡警並不得再行送驗自經此次傳諭之後該管官弁等應即隨時傳諭訓誡俾免效尤致干未便切切特傳

保定工巡總局批示○安州紳董增生陳遜之等具稟一案 批查省城巡警開辦伊始所需兵餉不敷甚鉅當由

工程局每年所收船舖房三捐項下以錢易銀一萬三千兩分月撥解練餉局專備移發巡警餉精之用先是工

程局在清苑縣屬東安村地方設局抽收船捐嗣經會同首府縣稟蒙 前督憲袁批示准將船捐分局移設安

州照章捐辦其該州原有船捐應飭永停嚴禁在於工程局船捐項下酌提二成作爲津貼以資應差候飭該州

遵辦並行藩司查照等因遵於光緒二十八年七月初一日移在安州北關設局開辦現在船捐一項每年除津

貼安州二成外約收京錢五千餘吊實爲每月應解練餉局巡警經費之款茲據所稟擬將前項船捐請歸本地

作爲籌辦自治之費查 憲政編查館奏定城鎮鄉地方自治章程第五章第九十一條內開前條公款公產以

向歸本地方紳董管理者爲限其城鎮鄉地方向無前項所指公款公產或其數寡少不敷用者得由議事會指

定本地方關係自治事宜之款項產業呈請地方官核准撥充各等因查安州船捐無論自二十八年由本總局

移往抽收即未經移往之前亦係由該州牧自行經辦且所捐船隻大率津保等處往來經過之船居其多數第以該處地當衝要是以稟明移設俾便稽收今該紳董等所稟各節揆之 奏定章程此項船捐既非向歸本地方紳董管理又與本地產業迥不相侔况該州二成津貼業經劉牧詳准撥歸勸學所充作經費是該州地方實已享有二成利益其餘之數委係省城巡警兵餉的款斷難移作他用所請之處未便照准

## 電報錄要

路透電○德國塞普林伯爵乘坐飛艇於西八月二十九號午前由福利德沙芬地方啓程向德京飛行午後十二鐘五十分至柏林

又電○希臘京城消息希臘政府各員將海陸兩軍武員要求改良軍政問題駁拒後井上書辭職希王召馬魯米查理氏組織新內閣現在駐希京某軍隊由京城啓隊往城外結營聞新內閣擬舉行大赦現在希臘儲君擬辭陸軍總司令官之職

柏林電○土國抵制希臘貨物風潮現已止息

又電○法國各海口官員因和蘭魯德達穆埠瘟疫流行所有由和國航到之輪船均須查驗無疫執照以免傳染又電○德國塞普林伯爵乘坐飛艇在柏林飛行數小時旋轉自如頗著成效觀者有數百萬人均極歡迎是日天氣清和德皇眷屬亦同觀閱塞氏在泰智洛地地方落下謁見德皇後因轉機脫落未能復行飛起

## 新政紀聞

政治

重申度量衡同辦法○農工商部因前已將劃一度量衡制度總表圖說以及推行章程頒發各省設局籌辦現又重咨各省以此事關係憲政所有局長一缺甚為重要派定後須報部加札以昭慎重尤須會同商務總會及各分會協同調查以期周詳而免阻隔

朝陽府復選舉紀事○朝陽府復選監督王太守恩溥於七月初一日會同管理員監察員在郡城文廟復選投票區舉辦復選事宜計是日郡屬初選當選人報到投票者二十四人 杜維新 孫廷楷 王蘭香 姜迺豫 鮑生春 孫貽謀 徐中繡 沈鳴詩 沈芝 王玉樹(以上十名朝陽府人) 張澍田 王錦峯 李潤霖

杜廷華 龐汝霖 王之棟 孔應麟(以上七名建昌縣人) 劉春峯(建平縣人) 蔣鄰芝 張立榮 孟昭文 鞏廷棟(以上四名阜新縣人) 王弼 張鵬翥(以上二名綏東縣人) 第一次復選投票當選議員三名 沈鳴詩 得六票 孟昭文 得五票 張澍田 得四票 第二次投票當選候補議員二名 李潤霖 得十二票 沈芝 得五票 本日榜示復選當選人姓名票數復經沈鳴詩等三名領取知會書呈明情願應選初三日早七點鐘王太守飭具鼓砲榜示議員及候補議員銜名觀者如堵並於本日當堂發給議員執照王太守復面諭各當選人情詞甚為懇摯云

旗務處辦事章程 ○奉天旗務處所擬辦事章程如下 第一章總綱 一旗務處係以旗務司改設稟承督撫總理全省旗務事宜應請刊發關防一顆文曰奉天旗務處之關防以資信守 第二章辦事 一旗務處有總理全省旗務之責凡本省內外城旗署 三陵衙門戶禮工三股檔房內務府宗室覺羅等處事務統歸考覈所有體制文武一切辦法均照前旗務司定章辦理並仍應判擬堂稿與各司道同 第三章設員 一旗務處設總辦一員其下擬設委員不得過十員書記不得過二十名應由總辦擬派酌定等第分辦其事不必沿用科員名目 第四章分職 一旗務處辦理旗務應以變通旗制籌辦生計融化滿漢為主現擬按照本處職掌事宜區為四類一關於官兵俸餉等項一關於典禮貢獻等項一關於戶口地畝等項一關於本處庶務等項各以事務繁簡酌派員司分職辦理 第五章經費 一旗務處應用經費除總辦仍領原薪水外酌擬數目如左 一薪津項下 一等委員四員每員每月薪津一百二十兩 二等委員四員每員每月薪津一百兩 三等委員二員每員每月薪津六十兩 以上委員十員每月共用薪津銀一千兩 一等書記四名 每名每月薪津四十兩 二等書記六名每名每月薪津二十四兩 三等書記十名每名每月薪津十六兩 以上書記二十名每月共用四百六十四兩 一公費項下 公費 每月連聽差工食合領銀四百兩以上公費每月共用四百兩 統計薪津公費每月應領銀一千八百六十四兩 第六章附則 一以上係旗務處辦事總章所有未盡事宜另擬詳細章程呈請覈示遵行

定期接見留學生○直隸留學各國高等專門以上畢業學部考試各生已由提學司察核詳請 督憲加填考語以憑送考茲定本月二十四五兩日下午三鐘在學務公所分起接見詢問一切云

分起接見選拔生○直隸新取選拔各生稟請學司示期公謁已經學司擬定於本月十九二十二等日午前八鐘至十二鐘午後四鐘至六鐘在本司宅中接見計十九日上午見八旗順天府屬下午見遵化保定二十日上午見易州承德赤峰朝陽永平河間下午見天津正定冀州二十一日上午見趙州深州定州順德廣平下午見大名宣化駐防等屬並牌示各生於十九日下午三鐘齊集學務公所照像衣服務宜整齊倘遇天雨遞延至次日下午齊集云

勸學員獎掖塾師○津埠勸學所南區勸學員華海門君會同巡警南局一區巡官武君招集區內塾師命題試驗計到者約二十名題爲私塾改良論現已評定甲乙前列五名各贈兒童嬌弊論一冊以資誘掖擬即著手籌議改良辦法云

堂長東遊考查學制○津埠行宮廟舊營務處西方菴三處官小學堂堂長高君峻眉程君玉孫周君少勳經勸學所稟明學台資遣東遊考查學制於十四日偕同本邑留學生韓誦裳林次和武問泉三君同附淡路丸東渡是日上午十一鐘由新車站起程各堂送者約六七十人并有學生多人冒雨前往云

官民小學觀摩紀盛○津埠勸學所於本月十四日上午八鐘開小學高等三四年級學生觀摩考試計到者官立學堂有城隍廟河北大寺藥王廟直指菴放生院西方菴民立學堂有民二民三民六各堂共到學生一百餘人由兼理總董縣視學華芷苓君點名給卷九鐘命題十一鐘交卷出場監視照料者爲各堂堂長及勸學所員司云茲將國文算術各題照錄於後 國文 惜陰說(高等四年班)論項羽拿破崙之優劣(高等三年班) 算

術 甲乙二人同時從一處起行每日甲行五十里乙行三十四里今甲行七日又三分日之一已至其地問乙行幾日可追及(高等四年班)設有銀洋一千元一年間可得利一百五十六元若是三千五百元二年半可得利若干(高等三年班)

軍 政

考試武備畢業學生○浙江督練處日前考試武備畢業投効學生計共十三人另有外省投効者二人其在考拔獲售暨考優未到者尙有數人俟另日再行定期續考茲聞斬叅議暨教練處幫辦以武備投効學生成績尙優擬廣額取錄以副 國家培植人才之至意且以遂各生求學之初心云

陸軍生派充義務教員○湘省派赴日本留學陸軍各生現已畢業陸續回籍其從前到省者已經遵照部章派入常備新軍委充義務教員每名按月酌給津貼洋五十元以安各生之心免致往赴他省有違定章日前復有留東陸軍畢業生十四名由部考試發回湘省亦經送入常備軍充當義務教員照給津貼茲將各生姓名錄下  
楊源濬 童 梁 齊琳 吳友松 袁華選 危道豐 陳強 李致梁 王隆中 李任 張翼鵬 蔣國

經 仇亮 袁宗翰

財政

督催清理財政之事宜○度支部因本部奏定清理財政章程原定於二年以內一律清結在案現恐各監理官或有觀望以致延悞擬即督催各監理官速即力圖振作設法清釐務於期限以內一律清理完結以便分別改設度支使而免有糾葛不清之事云

財政局限送舊式冊表○浙江財政正副監理官王錢二京卿日前會銜通札各府廳州縣文云案查部頒各省清釐財政局辦事章程第十五條開清釐財政局應遵照清釐財政章程第四條第四項擬訂該省藩運道局各庫及旗庫收支章程並各項收入流水簿式支出流水簿式收入總簿式支出總簿式收支對照表式及各庫收支票式丁漕鹽課關稅釐金各種雜稅徵收票式前項收支章程及各項簿式票式由局擬訂後送部覆核咨由督撫頒布施行各項徵收票除存該署或該局及給納稅人收執外應以一聯繳存清釐財政局備查各等語應遵照辦惟擬訂新規必先調查舊案所有上下衙門局所經管款項如何徵收如何支解各案原定章程暨歷年增損之案前經移行查取送到尙屬寥寥至其餘各項收入支出流水總簿收支表票各款征收表票各有舊式亟應一併調查除分別移行外合行札飭札到該署即便遵照將以上各項收支章程簿表票式各就原來所有檢出一分或照錄一分務於六月內送局以便彙核酌訂

第五十一條 資政院議員有應行除名者如係 欽選人員應由總裁副總裁奏明請 旨辦理

第五十二條 資政院有左列情事得由 特旨諭令停會 一議事踰越權限者 二所決事件違背法律者

三所議事件與行政衙門意見不合尙待協商者 四議員在議場有狂暴舉動議長不能處理者停會之期以十五日爲限

第五十三條 資政院有左列情事得由 特旨諭令解散重行選舉於五個月以內召集開會 一所決事件有輕蔑 朝廷情形者 二所決事件妨害 國家治安者 三不遵停會之命令或屢經停會仍不悛改者 四議員多數不應召集屢經督促仍不到會者

第九章 秘書廳官制

第五十四條 資政院設秘書廳掌本院文牘會計記載議事錄及一切庶務

第五十五條 資政院秘書廳設秘書長一人秩正四品由總裁副總裁選保相當人員請 旨簡放

第五十六條 資政院秘書廳設一三三等秘書官各四人一等秩正五品二等秩正六品三等秩正七品由總裁

副總裁選員奏補

第五十七條 資政院秘書廳附設圖書室一所掌收藏一切祕書之事 圖書室設管理員一人卽以書籍官兼充

第五十八條 祕書廳祕書長承總裁副總裁之命監督本廳一切事宜

第五十九條 祕書官承祕書長之命分掌各科事務

第六十條 祕書廳分爲四科如左 一機要科 一議事科 一速記科 一庶務科

第六十一條 祕書廳應設書記及速記生等員額由祕書長酌量事務繁簡稟承總裁副總裁酌定

第六十二條 祕書廳辦事細則由祕書長擬訂呈候總裁副總裁核定施行

第十章 經費

第六十三條 資政院經費其款目如左 一總裁副總裁公費 二議員公費及旅費 三祕書廳經費及守衛

經費 四雜費及預備費

第六十四條 前條所列各款經費數目另行奏定

第六十五條 資政院經費由度支部每年歸入豫算按數支撥

附條

第一條 本章程奏准奉 旨後以宣統元年九月初一日起爲施行之期

第二條 本章程未盡事宜由總裁副總裁會同軍機大臣奏明辦理

### 順天中學堂暫行章程

第一章 總綱

第一條 本學堂遵照學部 奏案專爲順屬高等小學堂學生升學而設故名爲順天中學堂

第二條 本學堂恪遵奏定中學堂章程立學總義以施較深之普通教育俾不仕者從事於各項實業進取者升

入各高等專門學堂均有根柢爲宗旨以實業日多國力增長不習專門者亦不至闖陋偏謬爲成效

第三條 本學堂專設中學本科學習年數以五年爲限暫不另設中學豫科

第四條 本學堂暫開兩班定額學生一百人仍俟體察地勢酌核經費徐圖擴充

第五條 本學堂撥用京師西安門內西什庫後苑平小學堂舊址開辦所有講堂宿舍及一切堂室暫仍其舊

第二章 課程

第六條 本學堂學科目改照奏定中學新章辦理

第七條 本學堂各學科分科教法及程度鐘點均恪遵奏定中學堂章程辦理 惟開辦之始學生係由順屬各

路中學堂歸併而來其學科程度未必盡一應察看學生受學情形酌量增減鐘點以資補習

第八條 各科教授用書應遵照學部審定中學暫用書目選擇講授 若學部審定書目以後續出中學教科用

書果係程度符合本學堂亦得一律採用

# 海國生春

廣東南海有患左癱右瘓者為韋廉士大醫生紅色補丸所治愈  
 中國學堂教職為十五名醫所不能醫治之奇症  
 左癱右瘓或四支失力為人身所最險最難治之一種疾病也韋廉士大醫生紅色補丸曾經醫治諸多最劇之瘓  
 癱症是以無論何藥最無有如韋廉士大醫生紅色補丸之神奇者是書因欲刊登各種證書限於篇幅故未能將  
 所治左癱右瘓之症悉數錄得僅擇廣東南海郭君貞甫之一症而謹錄之因其由中國所治愈為盡人所易  
 於訪問而知者也郭君貞甫為廣東南海學堂之教職自述其病狀如左云○余二年前即三十有九歲時左身瘓



廣東南海郭君貞甫患左癱右瘓為韋廉士大醫生紅色補丸所治愈

癱左手左足均各失力瘋症若是之重臥床莫能興起腦筋衰弱時  
 發顛如樹葉之被風飄蕩不克自持於是延醫診治歷經名醫十有五  
 人服藥無算毫不見效祇病覺勢日重絕無復原之望一日余友勸服  
 韋廉士大醫生紅色補丸因其曾服是丸而獲益者又承惠贈半打囑  
 余嘗試余遂依言服之頓覺身體復原面容轉赤未幾覺有精力從左  
 手足經過恍若被電氣所感觸皮膚為新血所潤澤四支因新血而生  
 力從此進步神速面色有康健之形腦筋得復原之力所最喜者即使  
 余四支復得有力之用也邇者食甘睡甯顏開心樂其所以能得此  
 快愉之情形者皆韋廉士大醫生紅色補丸所賜之奇功也能不將余  
 保證書登簡牘以告世之同病哉○郭君之自述病狀如此然常有如  
 郭君之疾病為醫生與平常藥餌所莫能療治者韋廉士大醫生紅色

補丸却有奇妙之功用也蓋是丸所以能醫治各疾者以其所施之功由血中而入能使全體皆得有力其名譽為  
 天下文明大國所盡知莫不謂其能醫治  
 左癱右瘓 腳氣衝心 豬羊癩癩 腦筋衰弱 少年斲喪 陽萎  
 不舉 胃不消化 肝經各病 背痛頭疼 風溼骨痛 山林瘴氣 發熱病後 紅白痢疾 感冒風寒 等  
 症之聖藥也 婦女經水不調以及經來腹痛各種雜症一服是丸立能使其月經有序身體康健矣 中國各處  
 商店藥局凡經售西藥之處均有代售或直向上海九江路B字第八號 韋廉士大醫生藥局中國總發行處購買  
 亦可 價銀每六瓶大洋八元每一瓶大洋一元五角 遠近郵費一律不取

上海九江路B字第八號韋廉士大醫生藥局啟





本局印售各種書籍圖畫目錄

澄衷學堂字課圖說  
 天文歌略  
 地球歌略  
 地球韻言  
 小學韻語  
 蒙養學堂百課  
 最新初等小學國文教科書  
 初等中國歷史教科書  
 心算初學  
 最新初等小學算數教科書  
 初等小學算數科書教法  
 忠經  
 英文舉隅  
 東文典問答  
 地文學問答  
 皇朝政治學問答增初二編  
 節本泰西新史攬要  
 筆算教科書  
 數學上編  
 普通新智識課本  
 中等植物教科書  
 中學礦物教科書  
 高等小學博物教科書  
 生理衛生學  
 化學教科書  
 中學地理中國誌

八本洋二元  
 一本洋三分  
 一本洋一角五分  
 二本洋二角  
 一本洋一角五分  
 一本洋四分  
 二本洋三角二分  
 二本洋一元  
 二本洋紙洋五角  
 二本洋紙洋四角  
 合售洋三角六分  
 一本洋紙洋五分  
 一本洋二角五分  
 二本洋二角五分  
 一本洋五角  
 二本洋紙洋四角  
 二本洋紙洋三角五分  
 二本洋紙洋五角  
 二本洋紙洋四角  
 二本洋一元二角  
 二本洋四角  
 一本洋紙洋一角五分  
 一本洋紙洋三角五分  
 一本洋紙洋二角五分  
 四本洋六角

植物學教科書  
 皇朝政典舉要  
 萬國憲法比較一本  
 法學通論  
 萬國通商史  
 新爾雅  
 康熙維暇格物編  
 周禮政要  
 明夷待訪錄  
 普通教科書目提要  
 科學書目提要初編  
 心算教授法  
 萬國公法提要  
 甲辰學報彙編一百種  
 乙巳學報彙編  
 丙午學報彙編  
 全年學報彙編  
 農學新書三十五種  
 日本棧業捷法  
 美國實業法  
 農務述聞  
 畿輔輿地全圖  
 御製耕織圖  
 朝鮮輿地全圖  
 地球圖次序圖  
 平圓地球圖  
 東三省鐵路全圖

一本粉紙洋二角五分  
 四本洋五角  
 一本粉紙洋三角五分  
 一本洋七角  
 一本洋三角五分  
 二本洋四角  
 二本洋六角  
 二本洋六角  
 一本洋二角  
 一本洋五角  
 一本洋一角五分  
 一本粉紙洋三角五分  
 四本洋一元  
 五十本洋二元七角  
 四十本洋四元二角  
 廿四本洋四元八角  
 廿二本洋五元六角  
 一本洋一角二分  
 一本洋四角  
 一本洋三角六分  
 六扇屏洋二元  
 二册洋五角  
 一册洋一角  
 一册洋一元  
 三十二張洋一元  
 一張洋八角

北洋官報

第一千一百七十九冊

告白

# 新 啟 告廣司公限有灰洋



啟者本公司係承受唐山洋灰公司老廠另購外洋最新式機器旋密等創設新廠自丁未臘月新廠開機以來出貨加增行銷愈廣灰質經本廠西洋化驗師悉心研究精益求精會寄由德國國家栢林及日本關東都督府各化驗所驗得勁力堅力及凝結時刻灰之粗細均合要工所用其成色與外洋最高之貨相等尚有機器製造之缸磚花磚洋灰瓦水溝管矸子土等項無論躉零交易均可本公司總理處設在天津海大道英租界並在天津奉天大連烟台牛莊青島上海漢口南京鎮江各埠均設有經售處如蒙賜訂大批價值從廉交貨不悞期限所有洋灰及各種磚瓦等件重量式樣大概用法另刊有華洋文廣告 光顧諸君請向本公司索閱面議一切可也

德律風一千三百零九號

## 利文洋

大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行面議可也

本行開設天津上海香港志呢華海參巖等處均設立有年諸班貨物由外洋本機器廠自造磁鑽石戒指留耳墜鑄子表墜大小八音盒並留聲話匣單雙桶千里眼磁磨花穿衣鏡妝梳洋鐘

本行主人啟

## 瑞林祥元記

本號開設北京前門外鮮魚口天津估依街中間路北山東濟南府院西路北自置綢緞洋貨線貨織絨袍料衣被套口袋線毯毛毯等賣均照行價發兌中外紳商賜顧移玉是幸

瑞林祥元記具

## 武齋洋行

本行開設天津 於茲二十餘年 自運各種洋貨 絨紗布匹綢緞 繡化屏風鏡額 磁銅料器法藍 奇巧美術玩器 學界文房用品 旋行携帶等件 精工鑿身物料 定織各色唐氈 現又擴充樓房 極其寬闊高大 如蒙官商光顧 價值格外從廉 本行隨便入覽 電話一千三百七十四號 天津法租界 武齋洋行謹啟

# 勸賑隴災啟

敬啟者昨閱甘省督藩致各督撫請助賑電云甘省連歲苦旱蘭州七屬暨涼州平番鞏昌安定等州縣前歲被災去秋尤甚今春雨雪愆期近會齊碾伯及各土司又先後報災邊地高寒水泉素乏童山彌望生植不饒一遇旱乾即成凶饑現被災之區草樹皮掘取殆盡鄉間人口牲畜已多餓斃又接甘省紳士紛紛來函據稱該省至有人相食之慘窮民紛紛逃糧價日增麥已漲至每石三十六兩稻草已漲至每斤二十七八文視向來不啻十倍伏念甘省僻在西陲地瘠民貧蓋藏本鮮此番被災時則三年之久地則數十州縣之廣人則百數十萬之多雖督臣奏上朝廷曾撥帑金六萬散諸災區勢難迫恐有鉅款接濟何能救此方近接強鄰回亂以後元氣未復禍機一發何堪設想今日之救甘民為甘民計未嘗非為全局計也現上海諸公已發起賑會無非出於愛國愛民之苦心同人復敢為甘民請命敬懇仁人君子慨然解囊量力輸助以便彙寄該省活此窮黎庶幾上紓朝廷宵旰之憂下解民生倒懸之苦功在一隅澤敷全國甘民幸甚天下幸甚謹啟

籌賑處  
北京驛馬市大街恆裕金店  
天津獅子林北洋官報總局

# 津紳籌募甘賑公啟

敬啟者甘省僻處西陲連年苦旱蘭涼各屬被災尤甚今春兼以雨澤愆期荒旱日亟小民賣兒鬻女覓食維艱以至草根樹皮剝掘殆盡人畜餓斃慘不忍聞甘省督藩乞賑各省函電紛馳雖經奏請朝廷發帑賑恤然災區較廣徧給維難凡屬同胞詎宜膜視敬乞樂善大君子酌解囊餘不拘多寡吾人盡一分義務甘民活一分性命蒙允許請將該款送交北門內大宜門西引善社賬房代收擊取收據俟集有成數再由同人登報公布並公同提交甘省籌賑處匯寄災區以資散放甘民幸甚

發起人  
劉恩渠  
戴元樹  
吳國蕃  
贊成人  
蘇景昌  
徐嘉璣  
郭漢章

# 名醫到津廣告

啟者四川曾建侯大令精岐黃歷在鄂豫京奉各局所當差所至俱以醫名屢起沉痾茲來津寓買家大橋福祿樓有患病者幸勿失此機會特佈

錢福壽啟

# 本局廣告

本局承辦印刷研究  
精良近益不惜重資  
延聘外洋著名工師  
添購新式機器精製  
雕刻銅版所有承印  
各種紙幣股票等件  
圖畫精巧色澤鮮明  
紙質堅緻屢蒙中外  
官商照顧頗加獎  
譽茲為推廣招徠起  
見自本年起承印各  
項價目格外減讓以  
副官商雅意如蒙  
賜顧請至本局賬  
房面議可也

## 本局告白刊例

登一日者每字取洋五釐 三日四釐 七日三釐五 十五日二釐  
一月二釐五 半年二釐 長年一釐五  
以上均按四號字起碼加寬行數照所佔面積計算  
登錄商標刻工另議  
三號字加半倍 二號字加一倍

## 天津銀號廣告

本銀號代辦直隸公債所有本年宣統元年二月初一日四月初一日六  
月初一日第四年第一第二第三三期應付本利銀兩即係原訂光緒三  
十五年期限業經照數分付廣登廣白各在案茲值本月初四日第四年第  
四期滿給還本利之期凡天津暨各府廳州縣各票主請查照章程第  
七條持票至原借各府廳州縣及各籌款分局核取本利銀兩且期滿之  
票並可任便抵納地丁錢糧鹽課關稅及各項稅捐已詳請督憲照  
奏准章程通飭各屬不准留難需索務即持票兌取現銀毋得自誤再如  
有以前到期未經支取各票本利銀兩亦可至原借各處驗票續發特此  
佈告

## 工商演說廣告

啟者本所前因天氣炎熱暫停演說今已天氣涼爽擬訂於七月十八日  
晚八鐘至十一鐘仍借東宣講所內演說工商各項要理并請韓鏡湖先  
生演說發電機之製造與功用李子鶴先生演說外國貿易金受伯先生  
演說日本商業之現象宋則久先生演說弱肉強食之商業務希 各工  
商屆時 惠臨入聽不取分文特先佈告 天津勸工陳列所啟